



Broj: 03-074-408-1/11
Datum: 22.09.2011.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23-09-2011			
Organizaciona jedinica	Klasifikaciona oznaka	Redni broj	Broj priloga
01-50-1		15-9/11	

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM/PREDSTAVNIČKI DOM
Sarajevo, Trg BiH 1

N/ r gospodina Denisa Bećirovića, predsjedavajućeg predstavničkog doma

PREDMET: Odgovor na zahtjev, **dostavlja se**
- veza: Vaš akt broj:01/a-50-1-15-9/11 od 12.09.2011.godine

Poštovani,

Vezano za poslaničko pitanje postavljeno na 9. sjednici Predstavničkog doma Parlamentarne skupštine Bosne i Hercegovine koje se odnosi na to da li je u svom dosadašnjem radu Agencija za rad i zapošljavanje Bosne i Hercegovine imala i jedan projekat vezano za zapošljavanje Roma, ili samostalno ili u saradnji sa entitetskim ili kantonalnim zavodima za zapošljavanje, obavještavamo Vas sljedeće:

Agencija za rad i zapošljavanje Bosne i Hercegovine nije imala projekata vezano za zapošljavanje Roma, niti samostalno niti u saradnji sa entitetskim ili kantonalnim zavodima za zapošljavanje, jer Agencija nema nadležnosti u oblasti provođenja aktivnih politika zapošljavanja. U 2007. godini, na poziv Ministarstva za ljudska prava i izbjeglice Bosne i Hercegovine, Agencija je aktivno učestvovala u izradi Akcionog plan BiH za rješavanje problema Roma iz oblasti zapošljavanja, stambenog zbrinjavanja i zdravstvene zaštite u okviru implementacije Strategije BiH za rješavanje problema Roma u okviru Dekade Roma 2005-2015. Sve programe zapošljavanja Roma koji su provedeni u okviru Akcionog plana, provodili su entitetski zavodi za zapošljavanje i Zavod za zapošljavanje Brčko distrikta BiH.

Takođe, potrebno je napomenuti da zavodi i službe za zapošljavanje u Bosni i Hercegovini u okviru svojih zakonskih nadležnosti putem programa aktivne politike zapošljavanja kreiraju i provode programe za zapošljavanje romske populacije.

S poštovanjem,

DIREKTOR
Adnan Delić, dipl.pravnik



01/a-50-1

14-10-2011

Broj: 16-09-50-3958-3/11
Datum: 12.10. 2011.godine

PRIMLJENO	17.10.2011
Organizacija	
Jedinica	01-50-1-15-9/11

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

- n/r gdina Denisa Bećirevića, predsjedavajućeg -

PREDMET: Odgovor na poslaničko pitanje, dostavlja se.-

VEZA: Vaš akt broj 01/a-50-1-15-9/11 od 12.09.2011.godine

Aktom veze Državnoj agenciji za istrage i zaštitu (SIPA) dostavljeno je poslaničko pitanje poslanika Šemsudina Mehmedovića, u vezi Ugovora i Anexa ugovora o gradnji zgrade SIPA-e, te nabave zemljišta za izgradnju zgrade. Vezano za navedeno pitanje tražen je odgovor, u skladu sa članom 155. stav (3) Poslovnika Predstavničkog doma Parlamentarne skupštine Bosne i Hercegovine.

Postupajući po aktu veze, dostavljamo odgovore na poslaničko pitanje, kako slijedi:

1. Na osnovu zaključaka sa 34. sjednice Vijeća ministara BiH, održane 08.12.2003.godine, Služba za zajedničke poslove institucija BiH objavila je 29.12.2003.godine javni poziv za prikupljanje ponuda za izbor najpovoljnijeg ponuđača za izradu građevinske, arhitektonske i finansijske analize osposobljavanja objekata za smještaj SIPA-e na izabranim lokacijama:

- objekat kompanije »Zrak« - Adema Buće 102, Sarajevo
- objekat kasarne I korpusa Vojske Federacije BiH u Nedžarićima, Sarajevo
- objekat opštine Istočno Sarajevo u Lukavici,

Na osnovu javnog poziva, Komisija Službe za zajedničke poslove institucija BiH izabrala je kao najpovoljnijeg ponuđača preduzeće »EKO-PLAN« iz Mostara, koje je izvršilo analizu objekata na navedenim lokacijama u pogledu:

- procjene strukture postojećih zgrada i drugih prostorija,
- razvoja detaljnog arhitektonskog projekta, kao i funkcionalnih rješenja za unutrašnji i vanjski izgled adaptirane lokacije,
- finansijske analize, uključujući procjenu troškova budućih građevinskih investicija koje odgovaraju ponuđenom arhitektonskom projektu i funkcionalnim rješenjima,
- procjene troškova usluga nadgledanja budućih građevinskih investicija.

2. Završetkom postupka ocjene ponuđenih objekata od strane Interresorne radne grupe Vijeća ministara BiH, Vijeće ministara BiH je aktom broj 05-07-28/22-06 od 31.01.2006.godine obavijestilo Ministarstvo sigurnosti BiH da je izabrana lokacije za trajan smještaj SIPA-e na lokalitetu Lukavice.

Nakon izbora lokacije, u skladu sa Zakonom o javnim nabavkama BiH, provedena je procedura izbora ponuđača za izvođenje radova, te je 05.03.2008.godine zaključen Ugovor o izvođenju radova sa preduzećem »INTEGRAL INŽENJERING« a.d. Laktaši. Na predmetni ugovor pozitivno mišljenje dalo je Pravobranilaštvo BiH aktom broj M-57/08 od 17.01.2008.godine.

U cilju izvođenja nužno potrebnih radova iz druge faze gradnje (vanjsko uređenje), čije je izvođenje bilo neophodno radi održavanja i zaštite izgrađenog objekta od eventualno štetnih posljedica, te radi omogućavanja funkcionisanja instalacije i opreme u objektu, dana 22.10.2009.godine pristupilo se zaključenju Anexa ugovora o izvođenju radova. Na predmetni anex pozitivno mišljenje dalo je Pravobranilaštvo BiH aktom broj M-941-/09 od 08.10.2009.godine.

3. Pismenu korespondenciju, vezano za nabavku zemljišta na kojem se trebao graditi objekat za potrebe SIPA-e, obavljalo je Ministarstvo sigurnosti BiH. Isto se 15.10.2004.godine obratilo Opštini Istočno Sarajevo sa upitom da li Opština ostaje pri stavu navedenom u dopisu broj 01/I-13-2100/03 od 01.09.2003.godine, u kome je izrazila spremnost za ustupanje objekta na lokaciji Lukavice i istovremeno oslobodi Vijeće ministara BiH od bilo kojih troškova izdavanja urbanističkih i građevinskih dozvola, kao i troškova komunalnih priključaka u slučaju da se Vijeće ministara BiH odluči da preuzme ponuđeni objekat za smještaj SIPA-e. Dopisom od 20.10.2004.godine, Opština Istočno Sarajevo obavijestila je Ministarstvo sigurnosti BiH da ostaje i dalje pri pomenutoj ponudi, te da je odlučila da odobri dodjeljivanje dodatnih 10.000 m² zemljišta pomenutom objektu bez bilo kojih dodatnih naknada.

Slijedom naprijed navedenih aktivnosti, Vijeće ministara BiH, na 105. sjednici održanoj 26.01.2006.godine, razmotrilo je i prihvatilo informaciju o radu Interresorne radne grupe za iznalaženje smještajnih kapaciteta za Ministarstvo sigurnosti-Državnu agenciju za istrage i zaštitu i kao jedino ponuđeno trajno rješenje za smještaj SIPA-e odredilo je objekat na lokalitetu Lukavice. O predmetnom Zaključku Generalni sekretarijat Vijeća ministara BiH obavijestio je Ministarstvo sigurnosti BiH aktom broj 05-07-28/22-06 od 31.01.2006.godine.

Obzirom da se predmetni objekat trebao graditi na lokaciji koja je bila u režimu privremene zabrane raspolaganja državnom imovinom, SIPA-a se obratila aktom broj 17-11-16-2-918/09 od 25.08.2009.godine Komisiji za državnu imovinu radi donošenja odluke o izuzimanju od privremene zabrane raspolaganja državnom imovinom. Navedena komisija je aktom broj 01-50-104/09 od 17.05.2010.godine donijela Odluku o izuzimanju od privremene zabrane raspolaganja državnom imovinom parcele na kojoj je izvršena gradnja objekta za trajan smještaj SIPA-e. U cilju upisa prava vlasništva predmetnog zemljišta, SIPA-a se obratila Zemljišno-knjižnom uredu, Općinskog suda u Sarajevu, radi donošenja rješenja o zabilježbi izuzimanja od privremene zabrane raspolaganja državnom imovinom na parceli na kojoj je izgrađen predmetni objekat, o čemu je doneseno pozitivno rješenje. Postupak uknjiženja je u toku, a trenutno se vode aktivnosti na razmjeni podataka između Zemljišno-knjižnih ureda Općinskog suda u Sarajevu i Osnovnog suda na Sokocu, obzirom da je zemljište u Istočnom Sarajevu, a podaci o zemljištu u Sarajevu.

S poštovanjem,

DOSTAVLJENO:

- Naslovu
- U spis predmeta





BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1810/11
Sarajevo, 7.12.2011. godine

01/2-50-1
08-12-2011
[Signature]

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	08-12-2011		
Organizaciona jedinica	Klasifikaciona oznaka	Redni broj	Broj priloga
01-50-1-15-9			11

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 168. sjednici održanoj 7.12.2011. godine, utvrdilo je Odgovor na prvo pitanje koji je postavio Šemsudin Mehmedović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1810/11
Sarajevo, 7.12.2011. godine

Šemsudin Mehmedović, poslanik u Predstavničko domu Parlamentarne skupštine Bosne i Hercegovine, na 9. sjednici Predstavničkog doma održanoj 8.9.2011. godine, postavio je sljedeće poslaničko pitanje:

„Šta je Vijeće ministara BiH do sada uradilo u pogledu priznavanja dokumenata Kosova da bi time bar smanjilo štetu BH privredi ili je u pitanju saradnja sa susjednim zemljama u cilju preuzimanja kosovskog tržišta od strane naših susjeda? Jer Srbija i Hrvatska su to već učinile.“

Na postavljeno pitanje, Vijeće ministara Bosne i Hercegovine je na 168. sjednici održanoj 7.12.2011. godine, utvrdilo sljedeći

ODGOVOR

Odmah nakon što su kosovske vlasti donijele „Odluku o recipročnim principima u trgovinskim odnosima“ prema kojoj je za robe BIH porijekla naplaćivana carina od 10%. Ministar vanjske trgovine i ekonomskih odnosa BIH je, u skladu sa odredbama CEFTA 2006 sporazuma zatražio od UNMIK/Kosova, kao predsjedavajućeg CEFTA 2006 sporazuma za 2011. godinu, hitne konsultacije.

U Briselu je 8. septembra 2011. godine održan Specijalni sastanak CEFTA 2006 Zajedničkog odbora na kojem su prezentirani rezultati procesa Dijaloga između predstavnika Vlade Republike Srbije i Kosova, sa posebnim akcentom na pitanje carinskih pečata u bilateralnoj trgovini, te razmijenjene informacije i prijedlozi predstavnika Bosne i Hercegovine vezano za odluku kosovskih vlasti o uvođenju carina na robe porijeklom iz BiH zbog nepriznavanja carinskih pečata Kosova.

Nakon ovog sastanka, na prijedlog Ministarstva vanjske trgovine i ekonomskih odnosa BIH, Vijeće ministara je na 161. sjednici održanoj 15.09.2011. godine donijelo zaključak da se

prihvate carinski pečati dostavljeni od strane UNMIK/Kosova svim potpisnicama CEFTA Sporazuma, a koji su istovjetni izgledu pečata koji su dogovoreni na bilateralnim pregovorima srbijanskih i kosovskih vlasti u Briselu, 2. septembra 2011. godine, te zadužilo Ministarstvo vanjske trgovine i ekonomskih odnosa BiH da zaključak Vijeća ministara BiH dostavi Predsjedništvu BiH na konačno razmatranje i usvajanje.

Postupajući po zaključku VM BiH, MVTEO BiH je isti dostavilo Predsjedništvu Bosne i Hercegovine, koje je na sjednici održanoj 16.09.2011. godine prihvatilo zaključak Vijeća ministara i donijelo odluku kojom Bosna i Hercegovina prihvata carinske pečate dostavljene od strane UNMIK/Kosova svim CEFTA 2006 potpisnicama.

Ministarstvo vanjske trgovine i ekonomskih donosa BiH je, kao zadužena institucija za provedbu ove odluke, 19.09. 2011. godine, informiralo UNMIK/Kosovo i CEFTA 2006 Sekretarijat u Briselu, o odluci Predsjedništva BiH sa zahtjevom da se odluka kosovskih vlasti o uvođenju carina na robe BiH porijekla odmah ukine, te da se hitno uspostavi trgovinski režim ugovoren prema CEFTA 2006 Sporazumu.

Zvaničan odgovor kosovske vlasti nisu dostavile, te je MVTEO BiH urgirajući odgovor na pismo (u više navrata) dobilo informaciju da kosovske vlasti traže da se BiH putem MVTEO BiH obrati njima, a ne UNMIK/Kosovu, sa obrazloženjem da su oni donijeli „Odluku o recipročnim principima u trgovinskim odnosima“, a ne UNMIK/Kosovo. Posebno ističemo da ova informacija nije upućena zvanično, niti u pisanoj formi, a način komuniciranja koji koriste kosovske vlasti nije u skladu sa zvanično priznatim procedurama, obzirom da se koriste telefonskim pozivima i porukama, bez pisanog traga.

Obzirom da je ovaj problem dobio više političku, nego ekonomsku dimenziju, a u cilju njegovog konačnog rješavanja MVTEO BiH je 19.10.2011. godine uputilo urgenciju UNMIK/Kosovu, kao i pismo Evropskoj komisiji, od 21.10.2011. godine, kojim je tražilo njihov angažman u rješavanju ovog pitanja. MVTEO BiH je 24.10.2011. godine primilo obavijest od strane kosovskih vlasti da je „Odluka o recipročnim principima u trgovinskim odnosima“ stavljena van snage i da je ponovo uspostavljen trgovinski režim u skladu sa CEFTA 2006 Sporazumom.